

BAPTIST CHURCH OF MIZORAM
ASSEMBLY 116th.Ni 7-11.March.2012
General Secretary Report.(1st April 2011-March 2012)

Mizoram Baptist Kohhran Assembly Palai member zawng zawngte Kan Lalpa Isua Krista hmingin chibai ka buk a che u Kan Kohhran Rorelna sang ber Assembly hi Pathian Thlarau awmpuina leh pawlna nena hmang theuh turin duhsakna ka hlan bawk che u a ni. Kohhran hmanga Pathian hnathawh la lang thin tam tak report tur a awm thin a, chutih rual chuan kan la thawh leh zel tur relna kawngah pawh Palaite taima leh fimkhur taka rorel turin ka ngen bawk che u a. Pathian leh a Ram tan Inkhawmpui hlawhtling tak kan neih theih nan tawngtaina nen tan i la theuh ang u

Report kum chung hi Assembly 2011-2012 a ni a, hetiang hian Palaite hriat atana pawimawh zual chipchiar lo takin report ka han buatsaih a ni.

1. Planning leh Dante: Assembly-in a pawm angina Department hrang hrangin kan Planning pawm ang khan hma lain kum thar atan pawh hma chhawp siam a ni a; tin, Planning-in a khawih danglam avanga siam that ngai-Constitutions & Rules, Finance Rules, Recruitment Rules-te pawh siam that niin a Bu-a siam vek a ni a. Assembly 2012 -ah hian hman nghal theih an ni e

2. Thawktu lak dan: Assembly khan Hna nghet leh Temporary post a hawn/hum zat leh kan lak zat hetiang hi a ni. Assembly chuan Hna nghet leh Temporary chauh hi a hawng thin a , Contract hna hi Department hmalakna a ni).

S. no	Department	Name of Post	No. of post	Nature of post	Hna Thar or Hum	Lak tawh
1	Pastoral	Pastor/Minister	5	Substantive	Thar	5
2	Mission	Even-Teacher	1	-do-	Hum	1
3	R & D	Accountant	1	-do-	Thar	1
4	B.P.P	Br Manager	1	-do-	Thar	1
5	R & D	LDC	1	Temporary	Thar	1
6	Education	Asst Professor	2	Temporary	Thar	2
7	Mission	Evan-Teacher	2	Temporary	Hum	2
	Total		13			13
8	Mission	Missionary	18	Contract	Thar	18
	G.Total		31			31

Tihian Thawktu kan lak thar zawng chu mi 31 zet an ni. Contract-a thawktu hi hmaih palh a la awm hlek mai thei bawk.

3. BCM-a mi hmasa leh sulsutute chanchin: Assembly-in ziaik tura a tih angin Publication Board chuan a umzui a, hma lak mek a ni.

4. Mizo Tawng Bible zirna buatsaih: Hei pawh hi Theological Edn Board-in a umzui zel a, Assembly Executive Committee, January 18-19.2012 chuan Assembly-a sawiho turin a chhawp chhuak a, tun Assembly hian thu tawp a siam beisei a ni.

5. Hospital tan C.T Scan lei thu: Assembly khan Medical Dept-in alei dan tur lo zawng se, Fin Comtt kaltlangin AEC-ah thlen leh nise a tih chu AEC-ah sawiho leh a ni a, Medical Department lamin a tul anga la umzui zel turin a dah tha ta rih.

6. Palaina: Assembly 2011-in a ruat angin heng a hnuaiia meeting pawimawhahte hian kan Kohhran aiawhin Palai kan kal:-

PALAINA	A HMUN	A HUN	PALAI KALTE
E.C.M	ECM Local Church.Chapi	23-27.Feb	Rev R.Zohmingliana..
			Upa F.Aichhunga
			Upa H.T.Vanhmingthanga
IKK.Blp(Ng)	IKK.New Saiha	18-20 Mar	Rev.R.Lalbiakliana
			Upa R.Lalduhawma
LIKBK	LIKBK Moria Chanmari	23-27.Mar	Rev. Dr. Raltawnga
			Upa C.Sangliana.
TBCU	Marsum Pathor.Tripura	29Ap-1May	Rev.C.Rothuama
			Upa R.Lawmzuala
			Upa.ZD Zamawia.
BCTA	19E.RajNiwasMarg.De lhi-	28 th .June	Rev.V.Laldingliana.
			Upa K.L.Biakchungnunga
			Tv. Zothana
NEICC	Agartala Mission Comp'	18-22.May	Rev.Dr.K.Thanzauva.
			Rev.C.Ngurhnema.
			Rev Zonunvula Ralte.
			Rev H.Sangchema
			Upa Dr.R.T.Hnialum.
			Rev.L.Vanlalsanga
			Pu C.Vanlalsawma.
Pu C.Lalremsanga			
BWA	Kuala Lumpur.Malaysia	4-10.July	Rev.Dr.K.Thanzauva.
			Rev.H.Liannaiga
			Rev.Dr.K.Lalrinthanga

Dr.R.L.Hnuni Principal, AICS pawh NEICC leh BWA-ah hian a kal a.NEICC-ah hian Aizawla Area BCM Choir an kal bawk. Tin, heng bakah hian BCM aiawhin EFI Diamond Jubilee. Ni 13-15.May khan Shillongah Rev.Dr.K. Lalrinthanga, Rev. Hrangaiia Hmar leh NI. S.Thanchhungi te an kal a. NCCI leh APBF Mission Consultation.Guwahati-ah ni 22.June khan Rev. F Ramdinmawia leh Rev Laltanpuia te an tel a. Hemite huaihawt bawk hian Kohima-ah ni 24-27.Aug khan Rev.TC.Laltlawmlova a kal a. Nagaland Baptist Church Council (NBCC) kum 75-na 2012-lawmna inbuatsaih nan BCM nen consultation buatsaih a ni a, ni 9-11.Aug khan Kohimaah Rev Dr.K.Thanzauva leh Rev.H.Sangchema te an han kal bawk.

7. Ropuina Ramah: BCM a thawktu leh pension tawh mi 6 laiin Ropuina ramah kum 2011 chhung khan min kalsan a, Chungte chu:-

S/no	HMING	DEPARTMENT	THIH NI	An kalsan tak Chhungkua leh Kohhrante kan Tuarpu hle a. Pathianin awm- -puiin thlamuan zel rawh se.
1	Pu HC Nghinga	Administrative	Feb. 22	
2	Upa L.Thanghluna	Mission (RCM)	Mar 29	
3	P.C. Liankima	Health&Medical	Jun 25	
4	Upa Dr.P.Lalringa	Mission + BMS	Sep 10	
5	Revd.HC Vankairinga	Pastoral (AICS)	Dec 11	
6	Upa S.Darkama	Mission	Dec 30	

8. Building Hma chhawp: Tunah hian Chanmari Aizawla te, AICS Girl Hostel leh Mission Training Centre te, Hospital Lawngtlai leh Nursing Hostel Serkawn te, BCM Head Office Block 2 te Baptist House,Guwahati 2nd Floor te chu sak mek a ni a. HATIM New Campus development leh Building te hmabak lian tak kan nei mek.

9. Sum dinhmun: Kum 2011-2012 chhung Church Contribution tur ruahman chu ` 19,68,49,700.00 a ni a. Pastor Biala Target sem chhuah zat erawh chu ` 18,55,79,700.00 a ni. A bak zawng chu Supporter,MBKHP leh MTKP tum tura dah a ni.

April 2011 atanga January 2012 thlenga Target atanga pawisa kan hmuh chu ` 181,692,046.00 a ni.

Land: Assembly-agendaa ram leina turin 100.Lcs dah tura rawtna chu kum thar budget-ah dah a ni dawn a, pawm hram kan tum dawn nia. Hei pawh hi kan la kham lo hle tho dawn a ni. Kum 2012-2013 atan BCM Total Budget chu ` 36,74,71,600/- a ni a. Kohhran tum tur chu ` 23,33,23,700/- a ni. Kum kallai aia punna = ` 3,50,98,100/- .(Budget thlir hunah chipchiar zawka en tur a ni ang).

10. Kohhran Upa Thar: Kumin chhunga Kohhran Upa thlan leh Ordain tharte report kan dawn dan chuan mi 176 an ni a, mi pakhat chuan ropuina ramah min kalsan hman a, pakhat a ekzam zo lova, ti hian ekzam leh ordain zat chu mi 174 an ni.

11. Evangelistic Team BCM pawmte term a zo va, a thara enfiah leh vek an nih hnuah tunah hian Team 44-te chu pawm leh an ni. Ni 26-29.January.2012 khan BCM Serkawn Biak Inah Conference kan nei a. Thupui atan “Thiltihtheihnaa Thuam” hman niin hlim tak leh hlawk taka hun hman a ni.

12. Doctorate Digree hmu tharte: BCM-a thawktu zirlehte zingah heng mi palite hian Doctorate Digree an hmu thar a, kan lawm hle.

1. Rev. Vanlalchhawna Khiantge
2. Rev.V.Laldingliana.
3. Rev Thongsei Haokip
4. Upa K.L.Biakchungnunga.

13. Ram Lei: Kohhran hi kan thang zel a, kan mamawh a tam zel bawk a. Kumin chhung hian Biak In leh Kohhran Ram hmun 20 laiah kan lei a. Rs 1,97,40,000.00 vel zet sen a ni. Kan Land budget-in a daih loh nasat em avangin a thente phei chu Bank Loan-a lei a ni. Land budget hi kan hmang khum nasa hle a ni.

14. Pastor Quarters sak: Report kum chhung hian Pastor Quarters 4 sak tura tih a ni a, a thente phei chu la sak mek an ni. Kan budget atang hian kan mamawh zat pawh kan sa thei lova, Pastor Quarters chhe tak tak kan la ngah viau .

15. Motor Hlui/Thar: Assembly 2011-in phalna min pek angin Motor tihral turte-Bus (Hqrs).chu Nuai 2-in BBMS Dhubri in an lei. Bus (Azl) pawh Nuai 2-in HATIM in an lei.

Tin, Motor thar hetiangin lei a ni :

- | | |
|------------------------------|------------------------|
| 1. Bus TATA 712. MZ 02A-1800 | Hqrs |
| 2. Bus TATA 712 MZ 01G-5751 | Aizawl |
| 3. Bolero Zlx MX 02A-1605 | Hqrs |
| 4. TATA 207 MZ 02A 1746 | Medical |
| 5. Bolero Slx TR 01Z-0718 | Tripura |
| 6. Maruti Van TR 03D-0708 | Elem Eng'School |
| 7. Bolero MH 02JP-3829 | MP & MS |
| 8. Van Eco WB 74W-7774 | Birpara (Assam-Bengal) |

16. Worship & Music Department: He hi Department thar a ni a, kum khat chauh kan la kal a, hmun hrang hrangah Music leh Staff notation zirtirin camp leh seminer-te pawh buatsaih a ni a, kan hlawk tan hle. Staff notation zirna hi Lunglei khawpui chhung leh Lawngtlaiah kan neihpui tawh a, Aizawl lamah hma lak tum mek niin anmahni lam inhuam dan azira tih tum a ni.

17. 8th.Asia Pacific Baptist Federation Congress- Kuala Lumpur,Malaysia-ah Asian Pacific Baptist Federation Inkhawmpui vawi 8-na, September Ni 4-8.2012 hian a awm dawn a, Lawnglai

Area Baptist Choir leh Official 2 te kal tura thlan fel tawh a ni. A tam thei ang ber kal tura sawm mek a ni.

18. Baptist Choir: Tunah hian Baptist Choir han tih mai theih pathum kan neih avangin hriat hran theih nan hetiang hian vuah an ni:-

1. **Baptist Choir.** Hei hi Headquarters.Lunglei ami hi a ni.BCM pumpui huap a ni.
2. **Aizawl Area Baptist Choir.** Hei hi Aizawl E.S huam chhung huap a ni.
3. **Lawngtlai Area Baptist Choir.**Hei pawh hi Lawngtlai E.S huam chhung huap a ni

Kan Zaipawl (Baptist Choir) te hi a tul dan ang zelin an Area pawn lamah pawh BCM hminga tih theih vek an ni a, anmahni enkawlna tur pawh eng emaw zat chu Hqrs lam budget hman tur a ni.

19. FOD: KNP enkawlna lama hmasawn beiseinain Lunglei, Lawngtlai leh Aizawl Area-ahte KNP Hruaitu Seminer buatsaih kal mek a ni. Tin, BMP hi Pastor Bial levelah din remtih a nih ve taka tang khan Bial 30 ah din a ni tawh a. Kohhran tan an tangkai hle a, anmahni puala intihhlamna programme-te an buatsaih thin bawk.Bial Inkhawmpui hial nei tawhte an awm.

MTKP chuan heng kawngahte hian tan nasa takin an la mek- Mission rawngbawlana, Environment humhalh, Ngaihhlut tur (value System) dik inzirtir, AICS leh HATIM In sak, Hospital tan Pulse-oxymeter lei leh Bible sem darh hnate.

MBKHP chuan Ni 2-5.Febuary.2012 khan Inkhawmpui, Zobawk Field-ah an nei a. Thupui: “Sim rawh u, Van ram chu a hnai tawh e” tih hman a ni a. Speaker atan Pastor C.Lalunglana hman a ni, an hlawk tlang hle. Pathian malsawmna tam tak kan dawng. Kumin chhung hian Chawnghei tawngtaite, HATIM pual sum thawh te, CHS Lawngtlai tana Ultra-Sound man tuak te, Organizer quarters thuam that te, Kristian chhungkaw beihpui te,leh Chhawmdawlana In tih changtlun hnate an thawk a ni.

20. Ordination: Assembly 2011-chuan Pastor ni lo, Minister-a ordain dan a siam thar a, chu Dan hmang chuan Prof Dr R.L.Hnuni chu Minister atan ordain turin Pastoral Committee leh Assembly Executive Committee chuan a thlang a. Hei hi BCM History-a thil thar danglam tak pakhat a ni. He Ordination hi Pastor atana Ordain a ni lova, Woman Ordination pawh a ni chuang lo. Minister atana Ordain (Ordination for Minister) a ni.

Report tur tha leh pawimawh dangte pawh a la awm nual, hun leh hmunin min daih lo-ah ngai tawh mai ila, hriat belh duh leh chakte tan Department Hotute zawh belh theih reng an ni e. Ka lawm e.